

17.25 CONTRASTS SIN SRF 1

Onn per onn pli paucs – l'exempel da la Val Medel

Il film raquinta da la depopulaziun en Val Medel, da sperditas, schanzas e curaschi.



L'onn 1965 surpiglia il scolast Linus Bee-
li las classas dal stgalim bass a Curaglia en
Val Medel. En l'emprima classa ha el 25
uffants. Var 50 onns pli tard, dapi l'atun
2017, è la chasa da scola vida. Ils uffants
da la val van or a Mustér a scola, ed er
Evelina Giger, la davosa scolasta a Cura-
glia, va or da la val a dar scola. Ina sume-
glianta sort ha la Societad da musica
Medel/Lucmagn. Ils musicants e las mu-
sicanas mancan, l'october passà vegn la
societad perquai schliada. Era tar la ma-
stergnanza, in maletg sumegliant. I man-
can lavurers. Nagina scola, nagina musi-
ca, mancanza da lavurers, trais fatgs
ch'han tuts trais la medema raschun e
consequenza: la depopulaziun. En tut las
regions rumantschas è la populaziun sa
sminuida ils davos onns, ma nagliur uschè
ferm sco en la Val Medel. Ils davos 10
onns ha la vischnanca da Medel pers 17%
da ses abitants. Oz vivan anc 366 per-
sunas en la val. T'ge munta questa digren
per quellas e quels ch'èn restads? T'ge
consequenzas ha la depopulaziun per la
vita da mintgadi? Co resentan las Mede-
linas ed ils Medelins lur sort? Respostas
en il film, realisà da Bertilla Giossi.